



Tuhaqtitauyukhaq

GN-kut tuhaqtitiliqtun niuvaivikhangit urhuqyuangit akingit ikikliyumiqhimayut

IQALUIT, Nunavut (Ubluqtuhirvia 10, 2020) – Nunavut Kavamangit (GN) ikikhilaaliqtait urhuqyuangit akingit urhurlungnik gaasiliiniklu avatingni nunaptingnik, aulaniaaliqtuq Ubluqtuhirvit 12, 2020mi.

Niuvaiiit tamaini Nunavunmi nunalaangitni tautungniaqtait niuvaivaktain akingit urhurlungnik gaasiliiniklu akikhilaarniaqtun 4 pusanmik litaa atauhirmik, taaksiqtautingnanik. Iqalungni, akingit niuvailiqiyunun ikikhilaarniaqtun ilaudjutiqarlutik 5 pusanmik atauhirmik liitaamik, taaksiliqtautinani, akhaluutinun urhurlungnik gaasiliiniklu, pidjutiginiaqtun atautimun akikhangit ikikhilaarniaqtauyut 9 pusamik atauhirmi liitaanik. Ilaudjutiginiaqtun akikhilaaqtauniaqtun Iqalungni aulayukhat ikikliyumiqtitiaangat avatqudjutait niuviinaqtun akiliktuinginaqtait Iqalungni avugiiknahuarlugit allat nunalaangit, akingit ikikitqianguyut.

“GNkut havakhimaarniaqtun tuniyaangat Nunavunmiunun ihuatqiyayunik uruqlungnik atuqtauyukharnik Ukiuktaqtumi avataini, ihuatqiyayunik akiqaqtukharnik,” uqaqtuq Minista Nunalingni Kavamatkunillu Pivikhaqautikkuni Havagviani Lorne Kusugak. “Quana ihumagiyaavakhimayait Urhuryualiqiyiitkut Havagviangit (PPD) aulatititaaangat niuvigiikhimayaingit niuvrutautinanik atugakhangit, akikhilaaqtaugiaqaqtunik Nunavunmiunun.”

Tamna akiklilaarutikharnik urhuqlungnik akngit naunairutiqaqtuq ikikliyumiqtauhimayut urhuqlungnik niuvaiyut akingit 2019mi. Urhuqyualiqiyitkut maniliurutigivakhimayaingit urhuqluit akingit nunaqyuaptingni tamaat niuvaiyunik ihuaqhaiyagiikhimavakhimayutlu urhuqlungnik gaasiliingitlu atuqtakharnik akiqarlutik 11nik 15mun pusamik akikitqiyauhimavakhimayutlu 2018min.

Nunavut aulahimaanginaqtuq taima akikitqiangani akiqaqtunik nunaqyuangit Kanatami niuvigiangani uruqlungnik.

###

